

水經注釋

ル 5
139
11



東京書院藏

凡
139
11

水經注釋卷三十一

仁和趙一清誠夫錄

滎水

清水

澗水

濯水

瀕水

無水

澗水

滎水出南陽魯陽縣西之堯山

全氏曰按左傳云楚子上與晉師夾泚而軍杜預曰

泚水出魯陽縣東經襄城定陵入汝即滎水也蓋音同字異耳

堯之末孫劉累以龍食帝孔甲孔甲又求之不得累懼

而遷于魯縣立堯祠于西山謂之堯山故張衡南都賦

曰奉先帝而追孝立唐祠于堯山堯山在太和川太和

城東北滎水出焉張衡南都賦曰其川瀆則滎澧灤濇

水經注釋卷三十一

發源巖穴布濩漫汗漉沆洋溢總括急趣箭馳風疾者也
也滢水又歷太和川東逕小和川又東溫泉水注之水
出北山阜七源奇發炎熱特甚關駟曰縣有湯水可以
療疾矣湯側又有寒泉焉地勢不殊而炎涼異致雖隆
火盛日肅若冰谷矣渾流同谿南注滢水又東逕胡木
山東流又會溫泉口水出北山阜炎勢奇毒疴疾之徒
無能澡其衝漂救養者咸去湯十許步別池然後可入
湯側有石銘云皇女湯可以療萬疾者也故杜彥達云
然如沸湯可以熟米飲之愈百病道士清身沐浴一日
三飲多少自在四十日後身中萬病愈三蟲死學道遭

難逢危終無悔心可以牢神存志卽南都賦所謂湯谷
湧其後者也然宛縣有紫山山東有一水東西十五里
南北二百步湛然沖滿無所過會冬夏常溫世亦謂之

湯谷也非魯陽及南陽之縣故也

一清按漢志宛魯陽俱屬南陽郡何以云

非魯陽及南陽之縣殊不可解酈蓋以宛有湯谷魯陽亦有之南都賦所云是宛之湯谷非魯陽之湯水西京南陽治宛而王莽更宛曰南陽故亦或有直稱宛爲南陽之縣也然文義特晦張平子廣言土

地所苞明非此矣滢水又東房陽川水注之水出南陽

雒縣西房陽川北流注于滢滢水之北有積石焉世謂

女靈山其山平地介立不連岡以成高峻石孤峙不託

勢以自遠四面壁絕極能靈舉遠望亭亭狀若單楹插

霄矣北面有如頽落劣得通步好事者時有扳陟耳
 水又與波水合水出霍陽西川大嶺東谷俗謂之歇馬
 嶺川曰廣陽川非也即應劭所謂孤山波水所出也馬
 融廣成頌曰浸以波澁其水又南逕蠻城下蓋蠻別邑
 也俗謂之麻城非也波水又南分三川于白亭東而俱
 南入湓水湓水自下兼波水之通稱也是故闕駟有東
 北至定陵入汝之文全氏曰周禮豫州其川榮洛其浸而波以榮波之波當之後人或疑其非而以爾雅洛出為波之波當之不知榮洛既為川矣不應復以其支流為汝之波為是此可補入周禮注中湓水又東逕魯陽縣
 故城南城即劉累之故邑也有魯山縣居其陽故因名

焉王莽之魯山也一清按今漢志無此文昔在于楚文子守之與

韓構難戰有反景之誠內有南陽都鄉正衛為碑隸釋曰
 都鄉正衛彈碑水經作衛為靈帝中平二年立在汝州
 有南陽都鄉正衛彈碑此則其一也趙氏誤認衛為
 街遂云莫曉其為何碑予考其文則縣令甯陵君承昆
 陽喪亂之餘慙其為何碑予考其文則縣令甯陵君承昆
 直臨時募顧不煩居民太守東郡王瓌承濟陰華林優
 郵民隱為之立約自是之後吏無苛擾之煩野無愁痛
 之聲其大略如此又云因民所利無所謂惠康之策又
 有輕賦斂及役艱苦之語頌則美其輕賦均約蓋是紀
 述守令絲役條教也前書食貨志月為更卒已復為正
 注云更卒謂給郡縣一月而更者正卒謂給中都官者
 衛宏漢官舊儀民年二十三為正一歲為衛士一歲為
 材棺習射御騎馳戰陣又云民給正衛材官年五十六
 老衰乃得免為民酸棗令劉熊碑云愍念烝民勞苦不
 均為作正彈造設門更此云都鄉正衛彈者與劉君碑
 同困學紀聞曰周禮里宰以歲時合耦于耒注云耒者

里宰治處也若今街彈之室于此合耦使佐助疏謂漢
時在街置室檢彈一里之民金石錄有中平二年正月
都鄉正街彈碑在昆陽城中趙明誠失于攷禮注而鄺
道元注水經洪氏隸釋皆以街爲衛又誤矣漢書食貨
志言古制云春將出民里胥平旦坐于右塾鄰長坐于
左塾畢出然後歸夕亦如之里胥之塾其卽里宰所謂
耨者與續金石錄云周禮里宰合耦于塾鄭元謂耦者
一里之民于此水經建甯三年改新豐爲都鄉而百官
志凡州所監爲都鄉則無地名封爵有都鄉侯在關內侯
鄉曰某鄉而都鄉則無地名封爵有都鄉侯在關內侯
之上正者漢官舊儀云民年二十三爲正一歲以爲衛
士一歲爲材官騎士前漢食貨志月爲更卒已復爲正
師古曰更卒給郡縣一月而更正卒爲給中都官者此
都鄉之正也周禮于耨合耦以勸農漢人于街彈之室
糾彈不法昆陽當亂喪之餘徭役煩苦郡守縣令班董
科條收其舊直臨時顧募不煩居民立碑于街彈公所
以頌其德也洪氏云趙氏誤認衛字爲街改名街彈公所
亦引衛宏漢官舊儀爲證無論街彈見于注疏若衛士
乃正卒一歲以後所遷之名又一歲爲材官騎士百官

志註云凡八月都尉令長丞尉課殿最非若正卒
亭長之所得糾彈也况去士字似不成語予意仍題街
彈爲得洪氏碑目云水經作衛爲趙作街彈按水經魯
陽縣有南陽都鄉正衛爲碑衛爲似人姓名在魯陽非
昆陽也如以衛字屬之上文則爲碑二字題額又何說
乎又引劉熊碑愍念蒸民勞苦不均爲作正彈按三國
志吳張淑爲司直表正孫卒夫之名也况洪之所辨乃
之正彈同非此碑之正孫卒夫之名也况洪之所辨乃
衛字若引劉碑則正彈連合又何關涉乎厄林曰水經
注魯陽縣有南陽都鄉正衛爲碑平氏縣有南陽都鄉
正衛彈勸碑有南陽都鄉正衛爲碑平氏縣有南陽都鄉
義曰周禮六十五皆征之使爲胥徒給公家之事文
今之正衛耳又張宴漢書注曰監門里正衛也正衛自
是漢魏微官秩若封人仕同里宰不得以解街彈之室
也
澧水右合魯陽關水水出魯陽關外分頭山橫嶺下
夾谷東北出入澧澧水又東北合牛蘭水水發縣北牛
蘭山東南逕魯陽城東水側有漢陽侯焦立碑牛蘭水
水經主釋卷三十一

又東南與柏樹溪水合水出魯山北峽谷中東南流逕魯山西而南合牛蘭水又東南逕魯山南闕駟曰魯陽縣今其地魯山是也水南注于滢滢水東逕應城南故應鄉也應侯之國詩所謂應侯順德者也彭水注之俗謂之小滢水水出魯陽縣南彭山蟻塢東麓北流逕彭山西下有彭山廟廟前有彭山碑漢桓帝元嘉三年杜仲長立一清按范史桓帝紀元嘉紀元僅二年至明年夏五月改元曰永興不得云三年也或碑以春立未改元之先此與成陽靈臺碑正同彭水逕其西北漢安邑長尹儉墓東冢西有石廟廟前有兩石闕闕東有碑闕南有二獅子相對南有石碣二枚石柱西南有兩石羊中平四年

立彭水又東北流直應城南而入滢滢水又左合橋水水出魯陽縣北特山東南逕應山北又南逕應地西地理志曰故父城縣之應鄉也周武王封其弟爲侯國應劭曰韓詩外傳稱周成王與弟戲以桐葉爲圭曰吾以封汝周公曰天子無戲言王乃應時而封故曰應侯鄉亦曰應鄉按呂氏春秋云成王以桐葉爲圭封叔虞非應侯也沒郡古文殷時已有應國非成王矣一清按呂氏春秋以下是臣瓚說見漢志注師古曰武王之弟白封應國非桐圭之事應氏之說蓋失之焉又據左氏傳云邢晉應韓武之穆也則應侯武王之子又與志說不同戰國范雎所封邑也謂之應水

使伯州犁城犖是也出于魚齒山下春秋襄公十八年
 楚伐鄭次于魚陵涉于魚齒之下甚雨楚師多凍役徒
 幾盡晉人聞有楚師師曠曰不害吾驟歌北風又歌南
 風南風不競多死聲楚必無功矣所涉即澧水也水南
 有漢中常侍長樂太僕吉成侯州苞冢冢前有碑墓西
 枕岡城開四門門有兩石獸墳傾墓毀碑獸淪移人有
 掘出一獸猶全不破甚高壯頭去地減一丈許作制甚
 工左膊上刻作辟邪字門表塹上起石橋歷時不毀其
 碑云六帝四后是諮是諷蓋仕自安帝没于桓后于時
 閹閹擅權五侯暴世割剝公私以事生死夫封者表有

德碑者頌有功自非此徒何用許為石至千春不若速

朽苞墓萬古祇彰諄辱嗚呼愚亦甚矣

金石錄跋尾曰吉成侯州輔碑

名字已殘闕其額題云漢故中常侍長樂太僕吉成侯
 州君之銘輔姓名見范氏後漢書宦者傳以定策立桓
 帝與曹騰等七人同時封為亭侯今此碑載當時詔書
 有云其封輔為葉吉成侯以此知其名輔而鄴道元注
 水經云澧水南有漢中常侍長樂太僕吉成侯州苞冢
 冢前有碑其辭云六帝四后是諮是諷今驗其詔文實
 有此語獨以輔為苞蓋水經之誤當取漢史及此碑為
 正一清按輔碑載隸釋其碑闕姓與字輔字無殘闕趙
 德甫云名字殘闕蓋搨本未善耳碑文云特以才明敏
 達拜小黃門還事和熹后孝女思皇后時為大宮令孝
 順皇帝踐祚復拜小黃門遷臧府令當拜中常侍讓與
 同郡錡任後以病孫位起家復拜謁者令尚方令遷
 中常侍遭順帝棄天下扶佐孝沖孝質帝兼領黃門令
 順烈皇后攝政拜長樂太僕遭孝質無嗣乃定冊帷幕
 援立聖主有定社稷之勲建和二年七月己巳封為葉
 吉成侯和平中伏拜大長秋永壽二年十二月丙子薨

其銘詞所謂六帝四后是諛者是諛者也洪氏曰葉吉成者葉縣之吉成亭也又碑陰有故京兆尹延篤叔堅名字洪氏曰州輔碑曰自漢陽太守而下四十有九人其人稱邑曰冠軍曰宛曰章陵曰新野曰比陽曰魯陽皆南陽之邑餘人惟延篤有傳乃南陽人則不稱邑者犖之入也碑云鄉人姻族相與刊石則又知輔為犖縣人也又金石錄跋尾云余初得州君墓碑又覽水經所載意此字猶存會故人董之明守官汝潁間因託訪求之特以見寄其一辟邪道元所見也其一乃天祿字差大皆完好可喜之明又云天祿近歲為村民所毀辟邪雖存然字畫泯泯

潢水又東犖水注之俗謂之秋水非也水有二源東源出其縣西南踐犖山東岸下水方五十許步不測其深東北流逕犖縣南又東北屈逕其縣東而北合西流水西源出縣西南頗山北阜下東北逕犖城西又屈逕其縣北東合二水亂流北注于潁漢高祖入

關破南陽太守呂齮于犖東即于是地潢水之陰也潢水又東南逕昆陽縣故城北昔漢光武與王尋王邑戰于昆陽敗之走者相騰踐奔殪百餘里會大雨如注潢川盛溢虎豹皆股戰士卒爭赴溺死者以萬數水為不流王邑嚴尤陳茂輕騎皆乘尸而渡矣

東北過潁川定陵縣西北又東過鄆縣南東入于汝

潢水東逕西不羹亭南亭北背汝水于定陵城北東入汝鄆縣在南不得過

清水出宏農盧氏縣攻離山東南過南陽西鄂縣西北又東過宛縣南

一清按漢志宏農郡盧氏縣下云熊耳山右有青水南至順陽入沔考鄆注以均水當之

其出宏農盧氏縣攻離山之清水方輿紀要云俗名白河
逕內鄉縣東境又東南流至南陽府城東繞城南達于新
野縣府境諸水悉會焉又南至光化縣東北又東逕故鄧
城東南而入于漢水地理志亦云南陽鄧縣育水出西北
南入漢與道元注正同二水源流既不相
甚遠而名稱又復相似故詳辨之如此

清水導源宏農東流逕鄧縣故城北郭仲產曰鄧縣故
城在攻離山東鄧舊縣也三倉曰樊鄧鄧有二城北
鄧也漢祖入關下浙鄧郎此縣也清水又東南流歷雒
縣之雒衡山東逕百章郭北又東魯陽關水注之水出
魯陽縣南分水嶺南水自嶺南流北水從嶺北注故世
俗謂此嶺為分頭也其水南流逕魯陽關左右連山插
漢秀木干雲是以張景陽詩云朝登魯陽關峽路峭且

深亦司馬芝與母遇賊處也關水歷雒衡山西南逕皇
后城西建武元年世祖遣侍中傅俊持節迎光烈皇后
于清陽俊發兵三百餘人宿衛皇后道路歸京師蓋稅
舍所在故城得其名矣山有石室甚飾潔相傳名皇后
浴室又所幸也關水又西南逕雒縣故城南昔秦文公
之世有伯陽者逢二童曰百曰被兩童二雒也得雌者
霸雄者王二童翻飛化為雙雒一清按史記索隱引列
異傳曰陳倉人得異物
以獻之道遇二童子云此名為媾在地下食死人腦媾
乃言曰彼童子名陳寶得雒者王得雌者霸宋書符瑞
志媾作媾晏公類要引此注是百與光武獲雒於此山
被乃兩童子名可與郊祀志互證
以為中興之祥故置縣以名焉一清按漢志南陽郡雒
縣師古曰舊讀雒音弋

爾反而太康地志云即陳倉人所逐二童子名寶雞者
 雌止陳倉為石雄止此縣故名雌縣疑不可據也顏說
 是也蓋雉縣西京已有之是注云光武中興置縣亦非
 搜神記以為秦縣得之關水又屈而東
 南流注于清清水又東南流逕博望縣故城東郭仲產
 曰在郡東北一百二十里漢武帝置校尉張騫隨大將
 軍衛青西征為軍前導相望水草得以不乏元朔六年
 封騫為侯國地理志曰南陽有博望縣王莽改之曰宜
 樂也清水又東南逕西鄂縣故城東應劭曰江夏有鄂
 故加西也昔劉表之攻杜子緒於西鄂也功曹柏孝長
 聞戰鼓之音懼而閉戶蒙被自覆漸登城而觀言勇可
 習也清水又南洱水注之水出宏農郡盧氏縣之熊耳

山東南逕鄘縣北東南逕房陽城北漢哀帝四年封南

陽太守孫寵為侯國一清按漢表作方陽云在龍亢俗謂之房陽川又

逕西鄂縣南水北有張平子墓墓之東側墳有平子碑

文字悉是古文篆額是崔瑗之辭盛宏之郭仲產並云

夏侯孝若為郡薄其文復刊碑陰為銘然碑陰二銘乃

是崔子玉及陳翁耳而非孝若悉是隸字二首並存嘗

無毀壞又言墓次有二碑今唯見一碑或是余夏景驛

途疲而莫究矣一清按隸釋跋曰世所傳凡百君子者

始能成文此刻有夏侯湛姓名而云書之碑側蓋鄘氏

考之不詳又金石文有河間相張平子碑具載其辭趙

明誠金石錄亦有之此即崔瑗之作隸釋載水南道側

孝若之文而略于玉之撰蓋搜錄之漏也

水經注釋卷三十一

有二石樓相去六七丈雙踣齊竦高可丈七八柱圍
 二丈有餘石質青綠光可以鑒其上樂榼水棋雕簷四
 注窈巧綺刻妙絕人工題言蜀郡太守姓王字子雅南
 陽西鄂人一清按樂史云是北齊時人恐非有三女無男而家累千金
 父沒當葬女自相謂曰先君生我姊妹無男兄弟今當
 安神元宅翳靈后土冥冥絕後何以彰吾君之德各出
 錢五百萬一女築墓二女建樓以表孝思銘云墓樓東
 平林下近墳墓而不能測其處所矣洱水又東南流注
 清水世謂之肄水肄洱聲相近非也地理志曰熊耳之
 山出三水洱水其一焉東南至魯陽入沔是也一清按三水謂

伊水清水即水經之均水也又有洱水漢志云過郡二
 行六百里師古曰洱音耳過郡二謂宏農及南陽也

清水又南逕預山東山上有神廟俗名之為獨山也山
 南有魏車騎將軍黃權夫妻二冢地道潛通其冢前有
 四碑其一魏明帝立二是其子及臣吏所樹者也清水又
 西南逕史定伯碑南又西為瓜里津水上有三梁謂之
 瓜里渡自宛道塗東出赭陽西道方城建武三年世祖
 自赭陽西入破虜將軍鄧奉怨漢掠新野拒瓜里上親
 搏戰降之夕陽下遂斬奉郡國志所謂宛有瓜里津夕
 陽聚者也阻橋即桓溫故壘處溫以升平五年與范汪
 衆軍北討列營清水又西南逕晉蜀郡太守鄧義山墓

南又南逕宛城東其地故申伯之都楚文王滅申以爲縣也秦昭襄王使伯起爲將伐楚取郢卽以此地爲南陽郡改縣曰宛王莽更名郡曰前隊縣曰南陽劉善曰在中國之南而居陽地故以爲名大城西南隅卽古宛城也荊州刺史治故亦謂之荊州城今南陽郡治大城其東城內有舊殿基周二百步高八尺陛階皆砌以青石大城西北隅有殿基周一百步高五尺蓋更始所起也城西三里有古臺高五丈餘文帝黃初中南巡行所築也清水又屈而逕其縣南故南都賦所言清水蕩其胸者也王莽地皇二年朱鮪等共於城南會諸將設壇

燔燎立聖公爲天子於斯水上世語曰張繡反公與戰敗子昂不能騎進馬於公而昂遇害魏書曰公南征至宛臨清水祠陣亡將士歔歔流涕衆皆哀慟清水又南梅谿水注之水出縣北紫山南逕百里奚故宅奚宛人也於秦爲賢大夫所謂迷虞智秦者也梅谿又逕宛西呂城東史記曰呂尙先祖爲四嶽佐禹治水有功虞夏之際受封於呂故因氏爲呂尙也徐廣史記音義曰呂在宛縣高后四年封昆弟子呂忿爲呂城侯疑卽此也又按新蔡縣有大呂小呂亭而未知所是也梅谿又南逕杜衍縣東故城在西漢高帝七年封郎中王翳爲侯

國王莽更之曰閏衍矣土地墊下湍谿是注古人於安
衆竭之今遊水是瀆謂之安衆港世祖建武三年上自
宛遣潁陽侯祭遵西擊鄧奉弟終破之於杜衍進兵涅
陽者也梅谿又南謂之石橋水又謂之汝谿合流而左
注清水清水之南又有南就聚郡國志所謂南陽宛縣
有南就聚者也郭仲產言宛城南三十里有一城甚卑
小相承名三公城漢時鄧禹等歸鄉餞離處也盛宏之
著荊州記以為三公置余按清水左右舊有二瀝所謂
南瀝北瀝者水側之瀝一清按漢志南陽郡宛有北瀝
山育陽有南瀝聚諸儒或以為
邑或以為地或以為水際
及邊地名而班固以為山聚在清陽之東北考古推地

則近矣城側有范蠡祠蠡宛人祠即故宅也後漢末有
范魯字子閔為大將軍司馬討黃巾賊至此祠為蠡立
碑文勒可尋夏侯湛之為南陽又為立廟焉城東有大
將軍何進故宅城西有孔嵩舊居嵩字仲山宛人與山
陽范式有斷金契貧無養親賃為阿街卒一清按阿街
卒古之所謂
騶唱唐人謂之籠街喝道阿與阿通用而范史范式
傳作阿里街卒章懷注云阿里里名也是又不同遣
迎式式下車把臂日子懷道卒伍不亦痛乎嵩曰侯嬴
賤役晨門卑下之位古人所不恥何痛之有故其讚曰
仲山通達卷舒無方屈身厮役挺秀含芳

又屈南過清陽縣東

清水又南入縣逕小長安司馬彪郡國志曰縣有小長

安聚謝沈後漢書稱光武攻清陽不下引兵欲攻宛至

小長安與甄阜戰敗於此清水又西南逕其縣故城南

桓帝延熹七年封鄧康為侯國沈氏曰康封此陽其弟秉封清陽縣故

南陽典農治後以為清陽郡省郡復縣避晉簡文諱更

名云陽焉清水又逕安樂郡北漢桓帝建和六年封司

徒湖廣為清陽縣安樂鄉侯沈氏曰是元年今於其國立樂宅

成郭仲產襄陽記曰南陽城南九十里有晉尚書令樂

廣故宅廣字彥輔善清言見重當時成都王廣女壻

長沙王猜之廣曰甯以一女而易五男猶疑之終以憂

殞其故居今置戍因以為名

又南過新野縣西

清水又南入新野縣枝津分派東南出陘衍苞注左積

為陂東西九里南北一十五里陂水所溉咸為良沃清

水又南與湍水會又南逕新野縣故城西世祖之敗小

長安也姊元遇害上即位感悼姊沒追諡元為新野節

義長公主即此邑也晉咸甯二年封大司馬扶風武王

少子歆為新野郡公割南陽五屬棘陽蔡陽穰鄧山都

封焉王文舒更立中隔一清按下有脫文三國志魏書

常勝地有常險守無常勢今屯宛去襄陽三百餘里諸

軍散屯船在宣池有急不足相赴乃表徙治新野文舒

水經注卷之二十一

昶字此即更立之事也西即郡治東則民居城西傍清水又東與

朝水合水出西北赤石山而東南逕冠軍縣界地名沙

渠又東南逕穰縣故城南楚別邑也秦拔鄢郢即以爲

縣秦昭王封相魏冉爲侯邑王莽更名曰農穰也魏荆

州刺史治朝水又東南分爲二水一水枝分東北爲樊

氏陂陂東西十里南北五里俗謂之凡亭陂陂東有樊

氏故宅樊氏既滅庾氏取其陂故嗙曰陂汪汪下田良

樊子失業庾公昌昔在晉世杜預繼信臣之業復六門

之陂遏六門之水一清按信臣所開者只石碣耳至元始五年更開三門爲六石門今注云

云直以六門皆信臣所開矣誤也下結二十九陂諸陂散流咸入朝水

事見六門碑六門既陂諸陂遂斷朝水又東逕朝陽縣

故城北而東南注于清水又東南與棘水合水上承赭

水赭水出赫陽縣北山數源竝發南流逕小赭鄉謂之

小赭水世祖建武三年成安侯臧宮從上擊赭鄉東源

方七八步騰湧若沸故世名之騰沸水南流逕于赭鄉

謂之赭水建武二年祭遵引兵南擊董訢於赭鄉以水

氏縣故有赭陽之名也地理志曰縣有赭水一清按今漢志無是

文王莽曰陽城也漢哀帝改爲順陽全氏曰按漢志云博山哀帝置故順

陽非赭陽也道元于均水篇已言之矣建武二年更封安陽侯朱祐爲赭

陽侯赭水於縣場以爲陂東西夾岡水相去五六里右

合斷岡兩舌都水潭漲南北一十餘里水決南瀆下注
為灣灣分為二西為赭水東為滎源赭水參差流結兩
湖故有東陂西陂之名二陂所導其水枝分東南至會
口入泚是以地理志云泚水赭水皆言入蔡全氏曰按漢志無赭
水入蔡語即泚水入蔡亦是應劭說互受通稱故也二湖流注合為黃水
唯所受焉逕棘陽縣之黃溜聚又謂之為黃溜水者也
謝沈後漢書甄阜等敗光武于小長安東乘勝南渡黃
溜水前營背阻兩川謂臨泚水絕後橋示無還心漢兵
擊之三軍潰溺死黃溜水者二萬人又南逕棘陽縣故
城西應劭曰縣在棘水之陽是知斯水為棘水也漢高

帝七年封杜得臣為侯國後漢兵起擊唐子鄉殺湖陽
尉進拔棘陽鄧晨將賓客會光武于此縣也棘水又南
逕新野縣歷黃郵聚世祖建武三年傅俊岑彭進擊秦
豐先拔黃郵者也謂之黃郵水大司馬吳漢破秦豐於
斯水之上其聚落悉為蠻居猶名之為黃郵蠻棘水自
新野縣東而南流入于清水謂之為力口也棘力聲相
近當為棘口也又是方俗之音故字從讀變若世以棘
子木為力子木也清水又東南逕士林東戍名也戍有
邸閣水左有豫章大陂下灌良疇三千許頃也

又西過鄧縣東

縣故鄧侯吾離之國也楚文王滅之秦以為縣清水右合濁水俗謂之弱溝水水上承白水於朝陽縣東南流逕鄧縣故城南習鑿齒襄陽記曰楚王至鄧之濁水去襄陽二十里即此水也濁水又東逕鄧塞南即鄧城東南小山也先後名之為鄧塞昔孫文臺破黃祖於其下濁水東流注于清清水又南逕鄧塞東又逕鄧城東古鄧子國也蓋鄧之南鄙也昔巴子請楚與鄧為好鄧人奪其幣即是邑也司馬彪以為鄧之鄧聚矣

南入于沔

瀝水出瀝強縣南澤中東入潁

瀝水出潁川陽城縣少室山東流注于潁水而亂流東南逕臨潁縣西北小瀝水出焉東逕臨潁縣故城北瀝水又東逕瀝陽城北又東逕瀝強縣故城南建武元年世祖封揚化將軍堅鐔為侯國沈氏曰据本傳是二年瀝水東為陶樞陂余按瀝陽城在瀝水南然則此城正應為瀝陰城而有瀝陽之名者明在南猶有瀝水故此城以陽為名矣潁水之南有二瀆其南瀆東南流歷臨潁亭西東南入汝今無水也疑即瀝水之故瀆矣汝水於奇頌城西別東派時人謂之大瀝水東北流枝瀆右出世謂之死汝也別汝又東北逕召陵城北練溝出焉別汝又東

汾溝出焉別汝又東逕征羌城北水南有汾陂俗音糞
一清按三汾水自別汝東注而為此陂水積征羌城北
字注中注四五里方三十里許瀆左合小灑水水上承狼陂南流
名曰鞏水青陵陂水自陂東注之東迴又謂之小灑水
而南流注于大灑水大灑水取稱蓋藉灑沿注而總受
其目矣又東逕西華縣故城南又東逕汝陽縣故城北
東注于潁

灑水出汝南吳房縣西北奧山東過其縣北入于汝
縣西北有堂谿城故房子國春秋定公五年吳王闔閭
弟夫概奔楚封之於堂谿故曰吳房也漢高帝八年封

莊侯楊武為侯國建武中世祖封泗水王歙子燁為堂

谿侯一清按章懷後漢書注曰燁字山谿有白羊淵淵

水舊出白羊漢武帝元封二年白羊出此淵畜牧者禱

祀之俗禁拍手嘗有羊出水野母驚扑自此絕焉淵水

下合灑水灑水東逕灑陽縣故城西東流入灑水亂流

逕其縣南世祖建武元年封吳漢孫旦為侯國沈氏曰

孫皆以建武二十八年封吳旦吳盱其水又東入于汝

水

灑水出無陰縣東上界山

山海經謂之視水也郭景純注或曰視宜為灑出葳山

水經注卷之二十一

灑水

七

許慎云出中陽山

一清按漢志作中陰山方輿紀要云中陽山在唐縣東七十里一名慈邱

山隋因此置慈邱縣皆山之殊目也而東與泌水合水出無陰縣

早山東北流注瀕瀕水又東北殺水出西南大熟之山

東北流入于瀕瀕水又東淪水注之水出宣山東南流

注瀕水瀕水又東得奧水口水西出奧山東入于瀕水

也

東過吳房縣南又東過濯陽縣南

應劭曰濯水出吳房縣東入瀕縣之西北即兩川之交

會也

又東過上蔡縣南東入汝

無水出無陰縣西北扶予山東過其縣南

山海經曰朝歌之山無水出焉東南流注于滎經書扶

予者其山之異名乎滎水上承赭水東流左與西遼水

合又東東遼水注之俱導北山而南流注于滎滎水又

東北於無陰縣北左會無水之道稍西不出其縣南其

故城在山之陽漢光武建武中封岑彭為侯國漢以為

陽山縣一清按是句文義未詳魏武與張繡戰于宛馬名絕景為

流矢所中公傷右臂引還無陰即是地也城之東有馬

仁陂郭仲產曰陂在泚陽縣五十里蓋地百頃其所周

溉田萬頃隨年變種境無儉歲陂水三周其隍故瀆自

隍西南而會于泚無水不得復逕其南也且邑號無陰
故無出南之理出南則爲陽也非直不究又不思矣無
水又東北澧水注之水出雉衡東山南逕建城東建當
爲卷字讀誤耳郡國志云葉縣有卷城其水又東流入
于葉陂水東北逕于東山西西流入無無水之左卽黃
城山也有谿水出黃城山東北逕方城郡國志曰葉縣
有方城郭仲產曰苦菜於東之間有小城名方城東臨
谿水尋此城致號之由當因山以表名也苦菜卽黃城
也及于東通爲方城矣世謂之方城山水東流注無水
故地理志曰南陽葉方城邑西有黃城山

全氏曰按漢志曰葉有長

城號曰方城未嘗云黃城也是注所引或別有一
地理志一清按寰宇記引此文出聖賢冢墓記 是長
沮桀溺耦耕之所有東流水則子路問津處尸子曰楚
狂接輿耕於方城蓋于此也盛宏之云葉東界有故城
始犇縣東至觀水逕泚陽界南北聯聯數百里號爲方
城一謂之長城云酈縣有故城一面未詳里數號爲長
城卽此城之西隅其間相去六百里北面雖無基築皆
連山相接而漢水流其南故屈完答齊桓公云楚國方
城以爲城漢水以爲池郡國志曰葉縣有長城山曰方
城指此城也無水又東北歷舞陽縣故城南漢高祖六
年封樊噲爲侯國也

又東過西平縣北

縣故栢國也春秋左傳所謂江黃道栢方睦於齊也漢曰西平其西呂墟卽西陵亭也西陵平夷故曰西平漢宣帝甘露三年封丞相于定國爲侯國全氏曰按本表曰臨淮王莽更之曰新亭晉太康地記曰縣有龍泉水可以砥礪刀劍特堅利故有堅白之論矣是以龍泉之劍爲楚寶也縣出名金古有鐵官

又東過鄆縣南

鄆縣故城去此遠矣不得過

又東過定穎縣北東入于汝

漢安帝永初二年分汝南郡之上蔡縣置定穎縣延光中以陽翟郭鎮爲尙書令封定穎侯卽此邑也一清按後漢書鎮以誅閭景擁順帝封是永建元年不在延光年也延光乃安帝年號

汝水出蔡陽縣

汝水出縣東南大洪山山在隋郡之西南竟陵之東北磐基所跨廣圓一百餘里峰曰縣鉤處平原衆阜之中爲諸嶺之秀山下有石門夾郭層峻巖高皆數百許仞入石門又得鍾乳穴穴上素崖壁立非人跡所及穴中多鍾乳凝膏下垂望齊冰雪微津細液滴瀝不斷幽穴潛遠行者不極窮深以穴內常有風爇無能經久故也

澗水出于其陰初流淺狹遠乃廣厚可以浮舟楫巨川
矣時人以澗水所導故亦謂之爲澗山矣澗水東北流
合石水石水出大洪山東北流注于澗謂之小澗水而
亂流東北逕上唐縣故城南本蔡陽之上唐鄉舊唐侯
國春秋定公三年唐成公如楚有兩肅霜馬子常欲之
弗與止之三年唐人竊馬而獻之子常歸唐侯是也澗
水又東均水注之水出大洪山東北流逕土山北水出
土山又東北流入于澗水澗水又屈而東南流

東南過隋縣西

縣故隋國矣春秋左傳所謂漢東之國隋爲大者也楚

滅之以爲縣晉武帝太康中立爲郡金石文字記曰皇甫誕碑隋字作隨

虞世南孔子廟堂碑歐陽詢九成宮醴泉銘王知敬李衛公碑高宗李英公碑天后順陵碑于敬之華陽觀王先生碑裴灌少林寺碑皆然當日金石之文二字通用自司馬溫公作通鑑以後始壹用隋字而水經注澗水隨縣字作隋則知此自古人省筆之法謂文帝始去辵而爲隋者未必然也有澗水出縣西

北黃山南逕灃西縣西又東南灃水入焉灃水出桐柏山之陽呂忱曰水在義陽灃水東南逕灃西縣西又東南流入于澗澗水又東南逕隋縣故城西春秋魯莊公四年楚武王伐隋令尹鬬祁莫敖屈重除道梁澗軍臨于隋謂此水也水側有斷蛇邱隋侯出而見大蛇中斷因舉而藥之故謂之斷蛇邱後蛇銜明珠報德世謂之

隋侯珠亦曰靈蛇珠邱南有隋季良大夫池

朱氏謀埠箋曰左傳

作季梁一清按梁良音同通用二十二卷渠水注扶溝縣袁梁碑其碑本作良是可證也其水又南

與義井水合水出隋城東南井泉嘗湧溢而津注冬夏

不異相承謂之義井下流合澁澁水又南流注于澗

日按澁水豫州浸康成師古皆疑其地不應在豫然職方之地犬牙相錯荊州之浸為潁則知豫之澁亦其例

也澗水又會于枝水水源亦出大洪山而東流注于澗

澗水又逕隋縣南隋城山北而東南注

又南過江夏安陸縣西

隋水出隋郡永陽縣東石龍山

全氏曰史記春申君說秦昭王云隋水右壤皆

廣川大水山林谿谷不食之地小司馬曰今鄧州之西也西北流南迴逕永陽縣西

歷橫尾山即禹貢之陪尾山也

禹貢錐指曰傳云洛經熊耳伊經外方淮出桐

柏經陪尾今安陸北有橫山即漢志所謂橫尾山在安陸以爲陪尾者也元和志云陪尾山一名橫尾山在安陸

縣北六十里淮水曷嘗經此傳繆禹導山至陪尾蓋實爲泗水泗之與淮猶伊之與洛也水經注云博物志曰

泗出陪尾隋志泗水縣有陪尾山今在縣東五十里閻百詩云周禮保章氏疏曰外方熊耳以至泗水陪尾屬

搖光星賈公彥實從春秋緯文來則漢人早作是解博物志固有所受之也一清按酈注泗水篇既引博物志

之言是注不應又引漢志以安陸之橫尾爲陪尾隋水豈非自相舛錯與卷末禹貢山水澤地所在亦誤陪水

又西南至安樂縣故城西故鄖城也因岡爲墉峻不假

築澗水會水又南逕石巖山北昔張昌作亂於其下籠

彩鳳以惑衆晉太安二年鎮南將軍劉宏遣牙門皮初

與張昌戰于清水昌敗追斬於江涘即春秋左傳定公

四年吳敗楚于柏舉從之及于清發蓋澗水之通稱矣
澗水又東南流而右會富水水出竟陵郡新市縣東北
大陽山水有二源也大富水出山之陽南流而左合小
富水水出山之東而南逕三王城東前漢末王匡王鳳
王常所屯故謂之三王城城中有故碑文字闕落不可
復識其水屈而西南流右合大富水俗謂之大泌水也
又西南流逕杜城西新市縣治也郡國志以爲南新市
也中山有新市故此加南分安陸立又王匡中興初舉
兵於縣號曰新市兵者也富水又東南流于安陸界左
合土山水世謂之章水水出土山南逕隋郡平林縣故

城西俗謂之將陂城與新市接界故中興之始兵有新
市平林之號又南流右入富水富水又東入于澗澗水
又逕新城南永和五年晉大司馬桓溫築澗水又會溫
水溫水出竟陵之新陽縣東澤中口徑二丈五尺垠岨
重沙端淨可愛靖以察之則淵泉如鏡聞人聲則揚湯
奮發無所復見矣其熱可以燔雞洪濶百餘步冷若寒
泉東南流注于澗水又右得潼水水出江夏郡之曲陵
縣西北潼山東南流逕其縣南縣治石潼故城城圓而
不方東入安陸注于澗水

又東南入于夏

水經注釋卷三十一終
涓水又南分爲二水東通瀉水西入于河謂之涓口也

水經注釋卷三十一終

海甯錢保塘
華陽吳祖椿覆校

水經注釋卷三十二

仁和趙一清誠夫錄

涿水

蘄水

泲水

泚水

泄水

肥水

施水

補滁水

沮水

漳水

夏水

羌水

涪水

梓潼水

涪水

涿水出江夏平春縣西

涿水北出大義山南至厲鄉西賜水入焉水源東出大紫山分爲二水一水西逕厲鄉南水南有童山卽烈山也山下有一穴父老相傳云是神農所生處也故禮謂

之烈山氏水北有九井子書所謂神農既誕九井自穿
謂斯水也又言汲一井則眾水動井今堙塞遺迹髣髴
存焉亦云賴鄉故賴國也有神農社賜水西南流入于
潒卽厲水也賜厲聲相近宜爲厲水矣一水出義鄉西
南入隋又注潒潒水又南逕隋縣注安陸也

南過安陸入于潒

蕲水出江夏蕲春縣北山

山卽蕲柳也水首受希水枝津西南流歷蕲山出蠻中
故以此蠻爲五水蠻五水卽謂蕲水希水巴水也又赤
亭水西歸水蠻左馮居岨藉山川世爲抄暴宋世沈慶

之於西陽上下誅伐蠻夷卽五水蠻也

南過其縣西

晉改爲蕲陽縣縣徙江州置大陽戍後齊安郡移治於
此也

又南至蕲口南入于江

蕲水南對蕲陽洲入于大江謂之蕲口洲上有蕲陽縣
徙

決水出廬江雩婁縣南大別山

俗名之爲檀公峴蓋大別之異名也一清按尚書正義

鄭元曰在廬江安豐縣杜預春秋注云大別不知何處

或云在安豐縣西南左傳云吳旣與楚夾漢然後楚乃

九經注采
濟漢而陣自小別
得在安豐如預別
所經必在荊州界也
下云禹貢大別山在西南鄭杜說地理志六安國安豐縣
無大別何也又云大別山在漢陽府城東北半里漢水
西岸水經注江水逕魯山南古翼際山也元和志魯山
一名大別山在漢陽府東北一百步其山前枕蜀江北
帶漢水杜元凱已知在江夏不在安豐酈氏主杜說而
終不能指魯山為大
別至唐人始能言之
其水歷山委注而絡其縣也

北過其縣東

縣故吳也春秋左傳襄公二十六年楚子秦人侵吳及
雩婁聞吳有備而還是也晉書地道記云在安豐縣之
西南即其界也故地理志曰決水出雩婁

又北過安豐縣東

決水自雩婁縣北逕雞備亭春秋昭公二十三年吳敗
諸侯之師于雞父者也安豐縣故城今邊城郡治也王
莽之美風也世祖建武八年封大將軍涼州牧竇融為
侯國晉立安豐郡一清按漢志六安國安豐縣莽曰美
續志有安豐縣又云安風侯國蓋光武以安豐陽泉
安風四縣封竇融為安豐侯其國都則治安風爰及魏
晉之安豐郡皆治安風縣也魏收地理志云邊城郡治
麻步山領史水一縣則南北流移境土非一故治無常
所也此與淮水注之安豐蓋兩地而異名不可混也決水自縣
西北流逕蓼縣故城東又逕其北漢高帝六年封孔鮒
為侯國也世謂之決水也水又西北灌水注之其水導
源廬江金蘭縣西北東陵鄉大蘇山即淮水也一清按
漢志廬

江郡下云金蘭西北有東陵鄉淮水出屬揚州胡渭曰淮當作灌愚謂非也班志原是淮字道元故以之釋灌
水若破淮作灌則以灌水許慎曰出雩婁縣俗謂之澮

水也一清按說文澮是汾澮之澮而別有澮水出褚先生所謂神龜出於江灌之間嘉林之中蓋謂此水也全

日今龜筮傳作江淮淮即灌也非出桐柏之淮灌水東北逕蓼縣故城西而北

注決水也故地理志曰決水北注蓼入淮灌水於蓼亦

入決一清按漢志盧江郡雩婁縣下云決水北至蓼入

變之似縣西蓼邑即臯陶之封邑也春秋宣公八年冬

楚公子變滅舒蓼臧文仲聞之曰臯陶庭堅不祀忽諸

德之不建民之無援哀哉朱氏謀璋箋曰接左傳文公五年冬楚公子變滅蓼臧文

仲有臯陶不祀之歎至宣公八年夏楚人滅舒蓼自是兩事決水又北右會陽泉水

水受決水東北流逕陽泉縣故城東故陽泉鄉也漢靈

帝中封太尉黃琬為侯國一清按靈帝下脫年號後漢書黃琬傳云董卓秉政以琬

名臣徵為司徒遷太尉更封陽泉鄉侯卓入朝在又西

北流左入決水謂之陽泉口也一清按三國志魏書滿

寵整軍趨陽宜口即陽泉口也又吳書孫綝傳朱異帥

三萬人屯安豐城為文欽勢魏兗州刺史州泰拒異于

陽淵酈注施水篇亦作陽淵續志盧江郡

陽泉侯國劉昭補註引廣志曰有陽泉湖

又北入于淮

俗謂之決口非也斯決灌之口矣余往因公至于淮津

舟車所屆次于決水訪其民宰與古名全違脈水尋經

水經注釋

決水 此水

方知決口

此一清按上文既以俗謂決口為非而蓋灌澮此又云方知決口何耶或恐有脫誤

聲相倫習俗害真耳

泚水出廬江灄縣西南霍山東北

灄者山水名也開山圖灄山圍繞大山為霍山郭景純曰灄水出焉縣即其稱矣春秋昭公二十七年吳因楚喪圍灄是也地理志曰泚水出泚山不言霍山泚字或作泚泚水又東北逕博安縣泄水出焉

東北過六縣東

泚水東北右會踰鼓川水水出東南踰鼓川西北流左注泚水泚水又西北逕馬亭城西又西北逕六安縣故

城西縣故咎陶國也夏禹封其少子奉其祀今縣都陂中有大冢民傳曰公琴者即皐陶冢也楚人謂冢為琴矣一清按此文與汝水篇注可參證皇覽亦謂之曰岑也漢高帝元年別為衡山國五年屬淮南文帝十六年復為衡山國武帝元狩二年別為六安國王莽之安風也漢書所謂以舒屠六晉太康三年廬江郡治泚水又西北分為二水芍陂出焉又北逕五門亭西西北流逕安豐縣故城西晉書地道記安豐郡之屬縣也俗名之曰安城矣又北會濡水亂流西北注之

北入于淮

水經注釋

卷三十二

五

水之決會謂之泄口也

泄水出博安縣

一清按漢志九江郡有博鄉縣續志無蓋後漢省說文云泄水受博安洵波豈順帝

以前曾改博鄉為博安乎顧祖禹曰即壽州之都陸城晉元帝封六安繆王子交為侯邑考晉志又無之

博安縣地理志之博鄉縣也王莽以為揚陸矣泄水自

縣上承泚水於麻步川西北出歷濡雞謂之濡水也

全氏

日漢志六安國六縣如谿水首受泚東北至壽春入芍陂即濡谿水也

北過芍陂西與泚水合

泄水自濡谿口逕安豐縣北流注于淠一謂之濡須口

西北入于淮

亂流同歸也

肥水出九江成德縣廣陽鄉西

呂忱字林曰肥水出良餘山俗謂之連枷山亦或以為

獨山也北流分為二水施水出焉肥水又北逕荻城東

又北逕荻邱東右會施水枝津首受施水於合肥縣城

東西流逕成德縣注于肥水也

肥水別北過其縣西北入芍陂

肥水自荻邱北逕成德縣故城西王莽更之曰平阿也

又北逕芍陂東又北逕死虎塘東芍陂瀆上承井門與

芍陂更相通注故經言入芍陂矣肥水東北右合閻澗

水水上承施水於合肥縣北流逕浚澗縣西水積為陽

湖陽湖水自塘西北逕死虎亭南夾橫塘西注宋太始

初豫州司馬劉順帥眾八千據其城地以拒劉劭杜叔

寶以精兵五千送糧死虎劉劭破之此塘一清按通鑑

宋明帝紀殷珍將劉順柳倫皇甫道烈龐天生等八千人東據宛唐

胡三省注云宛唐水經注作死虎杜佑通典作死武地

名在壽州壽春縣東四十餘里杜叔寶宋書殷琰傳作趙叔寶水分為二洛澗出焉閻

漿水注之水受芍陂陂水上承澗水於五門亭南別為

斷神水又東北逕五門亭東亭為眾水之會也斷神水

又東北逕神迹亭東又北謂之豪水雖廣異名事實一

水又東北逕白芍亭東積而為湖謂之芍陂陂周一百

二十許里在壽春縣南八十里一清按元和郡縣志云芍陂周二百里逕百里

言楚相孫叔敖所造魏太尉王凌沈氏曰王凌時與吳

將張休大戰于芍陂即此處也陂有五門吐納川流西

北為香門陂水北逕孫叔敖祠下謂之芍陂瀆全氏曰

對境圖曰芍陂周二百二十四里與陽泉大業並子思

作引淠水為子午渠開六門淠水即淠水也陽泉見決

水篇其大業當在蓼縣蓋取阜又北分為二水一水東

注黎漿黎漿水東逕黎漿亭南文欽之叛吳軍北入諸

葛緒拒之於黎漿即此水也東注肥水謂之黎漿水口

又北過壽春縣東

肥水自黎漿北逕壽春縣故城東為長瀨津津側有謝

堂北亭迎送所薄水陸舟車是焉萃止又西北左合東

水

水

水

溪谿水引瀆北出西南流逕導公寺西寺側因谿建刹
 五層屋宇閒敞崇虛曠曉也又西南流注于肥肥水又
 西逕東臺下臺即壽春外郭東北隅阿之榭也東側有
 一湖三春九夏紅荷覆水引瀆城隍水積成潭謂之東
 臺湖亦肥南播也肥水西逕壽春縣故城北右合北谿
 水導北山泉源下注漱石頽隍水上長林插天高柯負
 日出于山林精舍右山淵寺左道俗嬉遊多萃其下內
 外引汲泉同七淨谿水沿注西南逕陸道士解南精廬
 臨側川谿大不為廣小足閒居亦勝境也谿水流注于
 肥水

北入于淮

肥水又西分為二水右即肥之故瀆遏為船官湖以置
 舟艦也肥水左瀆又西逕石橋門北亦曰草市門外有
 石梁渡北洲洲上有西昌寺寺三面阻水佛堂設三像
 眞容妙相相服精煒是蕭武帝所立也寺西即船官坊
 倉兕都水是營是作湖北對八公山山無樹木惟童阜
 耳山上有淮南王劉安廟劉安是漢高帝之孫厲王長
 子也折節下士篤好儒學養方術之徒數十人皆為俊
 異焉多神仙秘法鴻寶之道忽有八公皆鬚眉皓素詣
 門希見門者曰吾王好長生今先生無住衰之術未敢

相聞八公咸變成童王甚敬之八士並能鍊金化丹出入無間乃與安登山埋金於地白日昇天餘藥在器雞犬舐之者俱得上昇其所昇之處踐石皆陷人馬跡存焉故山卽以八公爲目余登其上人馬之跡無聞矣惟廟像存焉廟中圖安及八士像皆坐牀帳如平生被服纖麗咸羽扇裙帔巾壺枕物一如常居廟前有碑齊永明十年所建也山有隱室石井卽崔玖所謂余下壽春登北嶺淮南之道室八公石井在焉亦曰左吳與王春傅生等尋安同詣元洲還爲著記號曰八公記都不列其雞犬昇空之事矣按漢書安反伏誅葛洪明其得道

事備抱朴子及神仙傳肥水又左納芍陂瀆瀆水自黎漿分水引瀆壽春城北逕芍陂門右北入城昔鉅鹿時苗爲縣長是其畱犢處也瀆東有東都街街之左道北有宋司空劉劭廟宋元徽二年建于東鄉孝義里廟前有碑時年碑功方創齊永明元年方立沈約宋書言太始元年豫州刺史殷琰叛明帝假劭輔國將軍討之琰降不犯秋毫百姓來蘇生爲立碑文過其實建元四年故吏顏幼明爲其廟銘故佐龐璉爲廟讚夏侯敬友爲廟頌並附刊于碑側瀆水又北逕相國城東劉武帝伐長安所築也堂宇廳館仍故以相國爲名又北出城注

肥水又西逕金城北又西左合羊頭谿水水受芍陂西北歷羊頭谿謂之羊頭澗水北逕熨湖左會烽火瀆瀆受淮於烽火村南下注羊頭谿側逕壽春城西又北歷象門白沙門北出金城西門逍遙樓下北注肥瀆肥水北注舊瀆之橫塘為元康南路馳道左通船官坊也肥水逕元康城西北流北出水際有曲水堂亦嬉遊所集也又西北流逕入公山昔在晉世謝元北禦苻堅祈入公山及置陣于肥水之濱堅望山上草木咸為人狀此即故戰敗處非八公之靈有助蓋苻氏將亡之惑也肥水又西北注于淮是曰肥口也

施水亦從廣陽鄉東南入于湖

全氏曰施水道源廣陽鄉與肥同源者也逕合肥入

芍陂而歸巢湖經文之例未有不溯其所自出者此篇獨變文書之

施水受肥於廣陽鄉東南流逕合肥縣應劭曰夏水出城父東南至此與肥合故曰合肥闕駟亦言出沛國城父東至此合為肥余案川殊派別無沿注之理方知應闕二說非實證也蓋夏水暴長施合于肥故曰合肥也非謂夏水胡三省通鑑釋文辨誤曰史炤曰合肥漢九故曰合肥余案應劭所云酈道元固疑之矣道元以夏水出城父而東南流入于淮則與淮合無絕淮而南流至合肥縣與肥水合之理而施水上承肥水于廣陽鄉東南逕合肥縣又東南流而入于灤湖肥水西北注淮而施水東南入灤湖已自分流惟夏月暴水漲溢則二水復能合于合肥縣界故合肥以此得名道元之說庶

乎信而有徵矣一清按漢志沛郡城父縣下云夏肥水
東南至下蔡入淮過郡二而應劭于九里城父與下蔡皆屬
沛郡不得云過郡二也此與淮合所謂父城即沛郡之城
肥水出父城東南至云與淮合則亦何關於肥之名
耶道元引之改而曰出城父與淮合且又證以關駟之
說肥在淮南夏肥水安能截淮南過而與之合且所謂
與肥合者夏肥水也非謂夏肥水與肥合矣道元知其說之
妄故折之曰非謂夏肥水故曰夏肥水亦出九江成德
日廣陽鄉而流合于肥故曰合肥夏月水暴長二水相
合與導荷澤被孟諸之義相扶道元所謂水盛方乃覆
被者也夏肥水源流已具淮水注中唐盧潘合肥辨曰
自不錯應劭移之合肥已具淮水注中唐盧潘合肥辨曰
漢書淮南王殺開章葬之肥陵肥陵水之上也應劭
云夏水出父城東南至此與肥合故曰合肥今按肥水
出雞鳴山東北流二十里所分而為二其一東南流逕合
肥縣南又東南入灤湖其一西北流二百里出壽春西
歸于淮二水皆曰肥爾雅歸異出同流肥言所出同而
歸異也是山也高不過百尋所出惟一水分流而已其

源實同而所流實異也故皆曰肥今二州圖記皆不見
夏水與父城惡睹其謂夏與肥合者乎合于一源分而
為肥合亦同也姚鉉唐文粹中其言足發酈氏之所未備
失也此文見姚鉉唐文粹中其言足發酈氏之所未備
施水自城父人一清按城父當作成德此是行間斷爛後
遠奮筆書之真東逕合肥縣城南城居四水中東又有
逍遙津水上舊有梁孫權之攻合肥也張遼敗之于津
北橋不撤者兩版權與甘寧蹴馬趨津谷利自後著鞭
助勢遂得渡梁凌統被鎧落水後到追亡流涕津渚施
水又東分為二水枝水北出焉下注陽淵施水又東逕
湖口戍東注巢湖謂之施口也

補滁水

唐六典淮南道大川曰滁肥之水巢湖在焉寰宇記廬州慎縣下云滁水源出縣西暴禿古塘酈元注水經云滁水出浚遼縣也和州含山縣下引水經注云滁水東經大峴西北流逕大峴亭即此山也方輿紀要云滁河源出廬州府合肥縣東北七十里廢梁縣界東流過滁州全椒縣南六十里又東至滁州東南三汊河又東至江甯府六合縣為瓦梁河東南流至瓜埠口而入大江三國志吳赤烏三年作堂邑涂塘以淹北道今滁州古曰涂中其地實南北扼要之區猶脫落無聞則濱江來會之水大要失亡矣

沮水出漢中房陵縣睢山全氏曰按睢山楊慎本作淮山誤也漢志房陵縣淮山淮水所出也睢山即東山之一名字稍近淮因之成訛東南過臨沮縣界

沮水出東汝陽郡沮陽縣西北景山即荆山首也高峯霞舉峻竦層雲山海經云金玉是出亦沮水之所導故淮南子曰沮出荆山高誘云荆山在左馮翊懷德縣蓋以洛水有漆沮之名故也斯繆證耳杜預云水出新城郡之西南發阿山蓋山異名也沮水東南流逕沮陽縣東南縣有潼水東逕其縣南下入沮沮水又東南逕汝陽郡北即高安縣界郡治錫城縣居郡下城故新城之

下邑義熙初分新城立西表悉重山也沮水南逕臨沮縣西青谿水注之水出縣西青山山之東有濫泉卽青谿之源也口徑數丈其深不測其泉甚靈潔至於炎陽有亢陰雨無時以穢物投之輒能暴雨其水導源東流以源出青山故以青谿爲名尋源浮谿奇爲深峭盛宏之云稠木傍生凌空交合危樓傾崖恒有落勢風泉傳響於青林之下巖猿流聲於白雲之上遊者常若日不周翫情不給賞是以林徒栖託雲客宅心泉側多結道士精廬焉青谿又東流入于沮水沮水又屈逕其縣南晉咸和中爲沮陽郡治也沮水又東南逕當陽縣故城

北城因岡爲阻北枕沮川其故城在東一百四十里謂之東城在綠林長坂南長坂卽張翼德橫矛處也沮水又東南逕驢城西磨城東又南逕麥城西昔關雲長詐降處自此遂叛傳云子胥造驢磨二城以攻麥邑卽諺所云東驢西磨麥城自破者矣沮水又南逕楚昭王墓東對麥城故王仲宣之賦登樓云西接昭邱是也沮水又南與漳水合焉

又東南過枝江縣東南入于江

沮水又東南逕長城東又東南流注于江謂之沮口也漳水出臨沮縣東荆山東南過蓼亭又東過章鄉南

大經注釋 沮水 漳水

荆山在景山東一百餘里新城沅鄉縣界雖羣峯競舉而荆山獨秀漳水東南流又屈西南逕編縣南縣舊城在東北一百四十里高陽城西南移治許茂故城城南臨漳水又南歷臨沮縣之彰鄉南昔關羽保麥城詐降而遜潘璋斬之于此漳水又南逕當陽縣又南逕麥城東王仲宣登其東南隅臨漳水而賦之曰夾清漳之通浦倚曲沮之長洲是也漳水又南洩水注之山海經曰洩水出東北宜諸之山南流注于漳水全氏曰按漢志山洩水所出東入繇繇水南至華容入江繇水即油水也不言入漳善長蓋主山經而油水篇則又主漢志又南至枝江縣北烏扶邑入于沮

地理志曰禹貢東條荆山一清按東條字誤當作南條在臨沮縣之

東北漳水所出東至江陵入陽水注于沔非也今漳水

於當陽縣之東南一百里餘而右會沮水也

夏水出江津於江陵縣東南全氏曰按經文之例皆日出某郡某縣某山獨汲水獲水

實即荑蕩渠之注陰溝者而夏水亦即江水也皆變文書之一清按水經注此條本之伏生大傳夏水出江入沔沔亦入江荆州之沱宜以夏水當之

江津豫章口東有中夏口是夏水之首江之沱也屈原

所謂過夏首而西浮顧龍門而不見也龍門即郢城之

東門也

又東過華容縣南

縣故容城矣春秋魯定公四年許遷于容城是也北臨
中夏水自縣東北逕成都郡故城南晉永嘉中西蜀阻
亂割華容諸城為王穎都夏水又逕交趾太守胡寵墓
北漢太傅廣身陪陵而此墓側有廣碑故世謂廣冢非
也其文言是蔡伯喈之辭歷范西戎墓南王隱晉書地
道記曰陶朱冢在華容縣樹碑云是越之范蠡沈氏曰
登樓賦已有北稱陶牧之文本注晉太康地記盛宏之
云陶鄉名牧郊外地則非指蠡冢荆州記劉澄之記並言在縣之西南郭仲產言在縣東
十里檢其碑題云故西戎令范君之墓碑文缺落不詳
其人稱蠡是其先也碑是永嘉二年立觀其所述最為

究悉以親經其地故違眾說從而正之夏水又東逕監
利縣南晉武帝太康五年立縣土卑下澤多陂池西南
自州陵東界逕于雲杜沌陽為雲夢之藪矣韋昭曰雲
夢在華容縣按春秋魯昭公三年鄭伯如楚子產備田
具以田江南之夢郭景純言華容縣東南巴邱湖是也
一清按漢志南郡華容縣雲夢澤在南荆州藪杜預云枝江縣安陸縣有雲夢
蓋跨川互陞兼苞勢廣矣夏水又東夏陽水注之水上
承陽水於竟陵縣之柘口東南流與中夏水合謂之夏
陽水又東北逕江夏惠懷縣北而東北注一清按隋書
地理志梁置沔陽營陽州城三郡及州陵惠懷二縣西魏省二縣改
置建興縣其故城在沔陽州北二里道元卒于孝昌二

水經注釋夏水
年上距梁天監元年僅五年耳其成書不知在何時而
遽稱江表新朝之建置乎此蓋後人所增入與沔水注
引吳均之詩
可互證也

又東至江夏雲杜縣入于沔

應劭十三州記曰江別入沔為夏水源夫夏之為名始
於分江冬竭夏流故納厥稱既有中夏之目亦苞大夏
之名矣當其決水之所出謂之賭口焉一清按寰宇記
引荆州圖副曰
夏水既非山流有若川瀦冬斷夏通故名又曰盛宏之
云夏首又東二十餘里有渚口二水之間謂之夏洲首
尾七百里華容監
鄭元注尚書滄浪之水言今謂之夏
利二縣在其中矣劉澄之著永初山川記云夏水古
水來同故世變名焉

文以為滄浪漁父所歌也因此言之水應由沔今按夏

水是江流沔非沔入夏假使沔注夏其勢西南非尚書

又東之文余亦以為非也自賭口下沔水通兼夏目而

會于江謂之夏沔也故春秋左傳稱吳伐楚沈尹射奔

命夏沔也杜預曰漢水曲入江即夏口矣一清按劉昭
郡國志補註

云史記蘇秦說楚威王東有夏州左傳楚莊伐陳鄉取
一人焉以歸謂之夏州今夏口城有州名夏口則是夏
之為名始于楚莊水因以立稱道元以
仲瑗康成之說為非是蓋特具卓識也

羌水出羌中參狼谷

彼俗謂之天池白水矣地理志曰出隴西羌道東南流

逕宕昌城東西北去天池五百餘里白水又東南逕宕

婆川城東南北注羌水昔姜維之寇隴右也聞鍾會入

水經注釋

卷三十二

共

漢中引還知雍州刺史諸葛緒屯橋頭從孔函谷將出
北道緒邀之此路維更從北道渡橋頭入劔閣緒追之
不及全氏曰按是時姜維由沓中赴難非有事于隴右
也諸葛緒塞橋頭維乃由北道入示將斷其後緒
遂退還維反軍渡橋頭入羌水又東南陽部水注之水
劔閣非緒邀之于北道也
發東北陽部谿西南逕安民戍又西南注羌水又東南
逕武階城西南又東南逕葭蘆城西羊湯水入焉水出
西北陰平北界湯谿東南逕北部城北又東南逕五部
城南東南右與妾水合傍西南出即水源所發也羌水
又逕葭蘆城南逕餘城南一清按此處有脫誤又東南左會五部
水水有二源出南北五部谿西南流合為一水屈而東

南注羌水羌水又東南流至橋頭合白水東南去白水
縣故城九十里

又東南至廣魏白水縣與漢水合又東南過巴郡閬中縣
又南至墊江縣何氏曰墊江之墊說文作藝从衣不从土
孟康曰音重疊之疊此是後人傳寫之誤
東南入于江

涪水出廣魏涪縣西北

涪水出廣魏屬國剛氏道徼外東南流逕涪縣西王莽
之統睦矣臧宮進破涪城斬公孫恢於涪自此水上縣
有潺水出潺山水源有金銀礦洗取火合之以成金銀
潺水歷潺亭而下注涪水涪水又東南逕綿竹縣北臧

宮溯涪至平陽公孫述將王元降遂拔綿竹涪水又東

南與建始水合水發平洛郡西谿西南流屈而東南流

入于涪涪水又東南逕江油戍北鄧艾自陰平景谷步

道懸兵束馬入蜀逕江油廣漢者也涪水又東南逕南

安郡南又南與金堂水會水出廣漢新都縣東南流入

涪一清按華陽國志曰新都涪水又南枝津出焉西逕廣

漢五城縣為五城水又西至成都入于江

南至小廣魏與梓潼合

小廣魏即廣漢縣地王莽更名曰廣信也

梓潼水出其縣北界西南入于涪

故廣漢郡也公孫述改為梓潼郡劉備嘉霍峻守葭萌

之功又分廣漢以北別為梓潼郡以峻為守縣有五女

蜀王遣五丁迎之至此見大蛇入山穴五丁引之山崩

壓五丁及五女因氏山為五婦山又曰五婦埃馳水所

出一清按沔水篇一曰五婦水亦曰潼水也其水導源

山中南逕梓潼縣王莽改日子同矣自縣西逕涪城東

又南入于涪水謂之五婦水口也一清按寰宇記射洪

江水又東南合射江即今射洪縣有此水今本無之

又西南至小廣魏南入于墊江

亦言涪水至此入漢亦謂之為內水也北逕墊江昔岑

水經注卷三十一 涪水

彭與臧宮自江州從涪水上公孫述令延岑盛兵于沈

水一清按章懷後漢書注曰沈水本或作況水及沅水者並非宮左步右騎夾船而

進勢動山谷大破岑軍斬首溺水者萬餘人水為濁流

沈水出廣漢縣下入涪水也

涪水出漢中南鄭縣東南旱山北至沔陽縣南入于沔全

日史記沔涪既道鄭康成尚書注曰水自漢出為涪是涪固爾雅之潛也漢志漢中郡安陽縣鬻谷水師古曰音潛其字亦或從水而不即以為尚書之潛何哉及讀鄭注有日安陽之潛尾入漢耳首不自漢出也此言了然乃知潛涪字通而涪水亦不可以當禹貢之潛也

涪水即黃水也東北流逕成固南城北城在山上或言

韓信始立或言張良創築未知定所制矣義熙九年索

遺為果州刺史自成固治此故謂之南城城周七里衿

澗帶谷絕壁百尋北谷口造城東門傍山尋澗五里有

餘盤道登陟方得城治城北水舊有桁北渡涪水水北

有趙軍城城北又有桁渡沔取北城城即大成固縣治

也黃水右岸有悅歸館涪水歷其北北至沔陽合沔為

三水口也

水經注釋卷三十二終

海甯錢保塘
華陽吳祖椿
覆校

水經注釋卷三十三

仁和趙一清誠夫錄

江水一

岷山 全氏曰按元和郡縣志汶山即岷山荀子江出汶山是也漢志作嶓則增加之文宋祁曰岷當作嶓誤矣

在蜀郡氏道縣 說文作嶓從山散聲在蜀郡氏道縣貢養水所出蜀郡岷道禹貢嶓山在西徼外江水所出嶓山貢養水所出蜀郡岷道禹貢出之水又異自蜀漢號岷道曰氏道晉改曰升遷於是始相混淆矣水經雖有魏晉開人續增不應江水鉅篇首條遂屬之後來好事者徒以酈注舉蜀漢之制以釋經不學之徒因并經而改之非其義矣

大江所出東南過其縣北

岷山即瀆山也 水曰瀆水矣又謂之汶阜山在徼外江水所導也益州記曰大江泉源即今所聞始發羊膊嶺

下緣崖散漫小水百數殆未濫觴矣東南下百餘里至
 白馬嶺而歷天彭關亦謂之為天彭谷也秦昭王以李
 冰為蜀守冰見氏道縣有天彭山兩山相對其形如關
 謂之天彭門亦曰天彭關江水自此以上至微弱所謂
 發源濫觴者也漢元延中岷山崩壅江水三日不流揚
 雄反離騷云自岷山投諸江流以弔屈原名曰反騷也
 江水自天彭關東逕汶關而歷氏道縣北漢武帝元封
 四年分蜀郡北部置汶山郡以統之全氏曰按漢武帝
 元鼎六年以冉駹
 地置汶山郡地節三年廢屬蜀郡北部非元封四年縣本秦始皇置後為昇遷縣
 也益州記曰自白馬嶺回行二十餘里至龍涸一清按
 龍涸亦

日龍鶴華陽國志云蜀時以汶山險要自汶江龍鶴冉
 駹白馬匡明皆置戍守即龍涸也周天和元年置龍涸
 郡元和志云故城在翼州衛山縣北十一里城之北境
 舊為土谷渾所居故曰防渾城蓋亦氏羌別種之名號
 也又曰龍鶴通鑑齊紀永明三年仇池鎮將穆亮帥騎
 三萬軍於龍鶴是也鶴字通又曰龍格晉紀義熙四
 年桓謙至成都謙縱疑之置於龍格胡三又八十里至
 省日即今成都府廣都縣龍爪灘之地
 西陵縣沈氏曰西陵又南下六十里至石鏡又六十餘
 里而至北部始百許步又西百二十餘里至汶山故郡
全氏曰晉移汶山郡治於綿虎故以漢治為故郡乃廣二百餘步又西南百八
 十里至涇坂江稍大矣故其精則井絡纏曜江漢昞靈
 河圖括地象曰岷山之精上為井絡一清按蜀志秦宓
 傳裴松之註引河

圖括地象作上為東井絡至左思蜀都賦乃省裁東字帝以會昌神以建福故書

曰岷山導江泉流深遠盛為四瀆之首廣雅曰江貢也
風俗通曰出珍物可貢獻釋名曰江共也小水流入其
中所公共也一清按漢志蜀郡下云有東北百四十里
曰岷山中江所出東注於大江岷山邛崃山也在漢嘉
嚴道縣一曰新道山南有九折坂夏則凝冰冬則毒寒
王子陽按轡處也平恒言是中江所出矣郭景純江賦
曰流二江於岷岷又東百五十里曰岷山北江所出東
注於大江山海經曰岷山江水出焉東注大江其中多
怪蛇一清按明楊慎欲據此以當禹貢揚江水又逕汶
江道一清按漢志蜀郡汶江不曰道至續志始加道字
縣有蠻夷謂之道或今本漢書脫道字當以續志

水經注汶出徼外岷山西玉輪坂下而南行又東逕其
縣而東注於大江故蘇代告楚曰蜀地之甲浮船於汶
乘夏水而下江五日而至郢謂是水也又有湔水入焉
水出綿道一清按班志蜀郡之綿鹿續志謂亦曰綿鹿
縣之玉壘山呂忱云一曰半浣水也下注江一清按漢
志蜀郡綿入江過郡三行千八百九十里江水又東別為沱開
明之所鑿也郭景純所謂玉壘作東別之標者也一清
按漢志蜀郡汶江縣江縣即汶山郡治劉備之所置也全氏
按沱在西南東入江縣即汶山郡治劉備之所置也全氏
宣帝地節中廢汶山郡蜀先主復置之治汶江道晉志
以為靈帝立劉昭補註郡國志曰安帝延光三年復也
渡江有笮橋江水又歷都安縣縣有桃關漢武帝祠李

冰作大堰於此堰闕江作崩崩有左右口謂之湔崩江
入郫江檢江以行舟益州記曰江至都安堰其右檢其
左其正流遂東郫江之右也因山頽水坐致竹木以溉
諸郡又引羊摩江灌江西於玉女房下作三石人於白
沙郵郵在堰官上立水中刻要江神水竭不至足盛不
沒要是以蜀人旱則藉以爲溉雨則不遏其流故記曰
水旱從人不知饑饉沃野千里世號陸海謂之天府也
俗謂之都安之堰亦曰湔堰又謂金堤左思蜀都賦曰
西踰金堤者也諸葛亮北征以此堰農本國之所資以
征丁千二百人主護之有堰官益州刺史皇甫晏至都

安屯觀坂從事何旅曰今所安營地名觀坂自上觀下
反上之象其徵不祥不從果爲牙門張宏所殺江水又
逕臨邛縣王莽之監邛也縣有火井鹽水昏夜之時光
興上照江水又逕江原縣王莽更名邛原也鄩江水出
焉江水又東北逕郫縣下縣民有姚精者爲叛夷所殺
掠其二女二女見夢其兄當以明日自沈江中喪後日
當至可伺候之果如所夢得二女之尸於水郡縣表異
焉江水又東逕成都縣縣以漢武帝元鼎二年立縣有
二江雙流郡下故楊子雲蜀都賦曰兩江珥其前者也
風俗通曰秦昭王使李冰爲蜀守開成都兩江溉田萬

水經注卷三十三 江水一

頃一清按漢志郫縣下云禹貢江沱在西東入大江顧
冰所引非禹貢之沱也宛溪之說誠然且梁荆之沱有
三蜀郡之汶江也郫也南郡之枝江也汶江枝江俱無
禹貢字而郫獨有之何哉史記河渠書蜀守冰鑿離碓
辟沫水之害穿二江成都之中注引任豫益州記云二
江者郫江流江也常璩華陽國志曰李冰壅江作崩穿
郫江檢江別支流雙過郡下檢江即流江冰穿一江而
為二則冰以前無支流可知何得以前江為沱耶胡
明則主郫江云推尋事理李冰所得之江一為沱一為
乃冰所創造一為郫江即禹貢之沱時必於淺冰復從
而濬之遂并數為二江夫既云二江皆冰所穿則何以
獨指檢江為冰之創始而郫江僅加疏濬耶此欲諂附
班志郫縣下禹貢二字而不覺言之出於胸臆不可從
也江神歲取童女二人為婦冰以其女與神為婚徑至
神祠勸神酒酒杯恒澹澹冰厲聲以責之因忽不見良
久有兩牛鬪於江岸傍有閒冰還流汗謂官屬曰吾鬪

大極當相助也南向腰中正白者我綬也主簿刺殺北
面者江神遂死蜀人慕其氣決凡壯健者因名冰兒也
秦惠王二十七年遣張儀與司馬錯等滅蜀遂置蜀郡
焉王莽改之曰導江也儀築成都以象咸陽晉太康中
蜀郡為王國更為成都內史益州刺史治地理風俗記
曰華陽黑水惟梁州漢武帝元朔二年改梁州曰益州
以新啓犍為牂柯越巂州之疆壤益廣故稱益云初治
廣漢之雒縣後乃徙此故李固與弟圖書曰固今年五
十七鬢髮已白所為容身而遊滿腹而去周觀天下獨
未見益州耳昔嚴夫子常言經有五涉其四州有九遊

水經注卷三十三 五

其八欲類此子矣初張儀築城取土處去城十里因以養魚今萬頃池是也城北又有龍隄池城東有千秋池西有柳池西北有天井池津流徑通冬夏不竭西南兩江有七橋直西門郛江冲里橋一清按華陽國志作冲治橋此云冲里是唐時寫本避高宗諱耳章懷後漢註亦作冲里橋可證也西南石牛門曰市橋吳漢入蜀自廣都令輕騎先往焚之橋下謂之石犀淵李冰昔作石犀五頭以厭水精穿石犀渠於南江命之曰犀牛里後轉犀牛二頭一頭在府市市橋門一頭沈之於淵也大城南門曰江橋橋南曰萬里橋西上曰夷里橋下曰笮橋南岸道東有文學始文翁為蜀守立講堂作石

室於南城永初後學堂遇火後守更增二石室後州奪

郡學移夷里

一清按學中講堂一名周公禮殿

道西故錦官也言錦工

織錦則濯之江流而錦至鮮明濯以佗江則錦色弱矣

遂命之為錦里也蜀有迴瀘水江神嘗溺殺人文翁為

守祠之勸酒不盡拔劍擊之遂不為害江水東逕廣都

縣漢武帝元朔二年置王莽之就都亭也李冰識察水

脈穿縣鹽井江西有望穿原

一清按劉昭補註郡國志引任豫益州記作望川源

鑿山渡水結諸陂池故盛養生之饒即南江也又從冲

里橋北折曰長昇橋城北十里曰升僊橋有送客觀司

馬相如將入長安題其門曰不乘高車駟馬不過汝下

也後入邛蜀果如志焉李冰沿水造橋上應七宿故世
祖謂吳漢曰安軍宜在七橋連星間一清按華陽國志曰安軍宜在七星
間全祖望曰自冲里橋至長昇橋為七橋華陽國志曰
郭江上西有永平橋城北十里有昇仙橋此二橋不在
七橋之列今注失去一句寰宇記云萬里橋亦名篤泉
橋橋之南有篤泉也此橋因費禕使吳諸葛祖嘆得名
然則非李冰之舊矣又云笮橋亦名夷里橋而下又有
竺橋即夷里橋之目笮橋以竹索為名竺橋以汶江一
名竺橋水受氏注故分而為二又曰江橋亦名安樂橋
七星橋之一篤泉橋星橋之二市橋西南石牛門曰市橋
無間焉楊慎四川總志曰考七橋南渡流江曰萬里橋
下石犀所潛淵中也城南曰江橋南渡流江曰萬里橋
西上曰夷里橋曰笮橋曰長昇橋郭江上西有永平橋
及城北十里又有昇僊橋不知所謂七橋者竟何所指
今存者市橋笮橋萬里橋漢自廣都乘勝進逼成都與
昇僊橋餘俱無所考矣

其副劉尙南北相望夾江為營浮橋相對公孫述使謝

豐揚軍市橋出漢後襲破漢陞馬落水緣馬尾得出入

壁命將夜潛渡江就尙擊豐斬之於是水之陰江北則

左對繁田文翁又穿湔泲以溉灌繁田一千七百頃前

水又東絕綿洛逕五城界至廣都北岸南入於江謂之

五城水口斯為北江一清按山堂雜論曰外江內江之

為內水此不易者也湔水入洛為外江流江入江為內

江此自成府言之也郭江對大江而言則大江為南

江郭為北江對流江而言則流江又為外江郭江為內

江此自成都一城言之也流江實兼內外之稱各因所

指立名相似相濶也江水又東至南安為璧玉津故左思云

東越玉津也

又東南過犍為武陽縣青衣水沫水從西南來合而注之

水經注釋卷三十三

縣故大夜郎國漢武帝開道置以為縣太初四年益州
刺史任安城武陽建元六年置郡王莽更名西順縣曰
戢成光武謂之士大夫郡有鄱江入焉水出江原縣首
受大江東南流至武陽縣注於江禹貢雖指曰江原縣
鄱水近世謂之大阜
江者岷江之正流而班氏以為
首受江故鄭康成云沱之類縣下注上舊有大橋廣
一里半謂之安漢橋水盛歲壞民苦治功後太守李嚴
鑿天社山尋江通道此橋遂廢縣有赤水下注江建安
二十九年有黃龍見此水九日方去此縣藉江為大堰
開六水門用灌郡下北山昔者王喬所升之山也江水
又與文井江會李冰所導也自笮道與蒙谿分水至蜀

郡臨邛縣與布僕水合全氏曰漢志蜀郡臨邛縣僕千
水東至武陽入江過郡二行五

百一十里而是注云水出徼外成都西沈黎郡漢武帝

元封四年以蜀郡西部邛笮理旄牛道天漢四年置都

尉主外羌一清按范史笮都夷傳云元鼎六年以為沈
黎郡至天漢四年并蜀為西部置兩都尉一

居旄牛主徼外夷一居青衣主漢民華陽國志同
而前書紀志及續志皆無之亦見青衣水注中在邛

來山表自蜀西度邛笮其至險有弄棟八渡之難楊母

閣路之阻水從縣西布僕來分為二流一水逕其道又

東逕臨邛縣入文井水文井水又東逕江原縣縣濱文

井江江上有長隄隄跨四十里有朱亭亭南有青城山

山上有嘉穀山下有蹲鴟即芋也所謂下有蹲鴟至老

不飢卓氏之所以樂遠徙也文井江又東至武陽縣天社山下入江其一水南逕越雋邛都縣西東南至雲南郡之蜻蛉縣入於僕郡本雲川地也蜀建興三年置僕水又南逕永昌郡邪龍縣而與貪水合水出蜻蛉縣上承蜻蛉水逕葉榆縣又東南至邪龍縣入於僕清按漢志益州郡葉榆縣貪水首受蜻蛉南至邪龍入僕行五百里僕水又逕甯州建甯郡州故庾降都督屯故南人謂之屯下劉禪建興三年分益州郡置歷雙柏縣即水入焉水出秦臧縣牛蘭山南流至雙柏縣東注僕水清按漢志益州郡秦臧縣牛蘭山即水所出南至雙柏入僕行入僕水又東至來唯縣入勞水清按漢志越雋郡青蛉縣僕水徼外東

南至來唯入勞過郡二行千八百八十里過郡二謂越雋益州也此別是一僕水非臨邛之僕千水也亦見溫

注水出徼外東逕其縣與僕水合東至交州交趾郡

洽縣南流入於海清按漢志益州郡來唯縣勞水出徼外東至糜伶入南海過郡三行三

千五百里江水自武陽東至彭亡聚昔岑彭與吳漢滌江

水入蜀軍次是地知而惡之會日暮不移遂為刺客所

害謂之平模水亦曰外水此地有彭冢言彭祖冢焉江

水又東南逕南安縣西有熊耳峽連山競險接嶺爭高

漢和平中山崩地震江水逆流全氏曰續漢書五行志和平元年廣漢梓潼山

崩非懸漑有灘名壘坻亦曰鹽漑李冰所平也縣治青

衣江會衿帶二水矣即蜀王開明故治也來敏本蜀論

水經注卷之三十三

日荆人鬻令一清按寰宇記引周地圖記作鬻靈死其尸隨水上荆人求

之不得鬻令至汶山下復生起見望帝望帝者杜宇也

從天下女子朱利全氏曰按華陽國志是朱提女子利自江源出為宇妻

遂王於蜀號曰望帝望帝立以為相時巫山峽而蜀水

不流帝使鬻令鑿巫峽通水蜀得陸處望帝自以德不

若遂以國禪號曰開明縣南有峩眉山有蒙水即大渡

水也水發蒙谿東南流與泚水合水出徼外逕汶江道

呂忱曰泚水出蜀許慎以為泚水也從水我聲一清按漢志蜀

郡青衣縣禹貢蒙山谿大渡水東南至南安入泚汶江縣泚水出徼外南至南安東入江過郡三行三千四里師古曰音哉泚乃泚之誤即禹貢之和夷也和泚同音道元故引說文以正之南至南安入

大渡水禹貢錐指曰班固謂大渡入泚道元謂泚入大渡然泚水源長當以漢志為正大渡水

又東入江故山海經曰蒙水出漢陽西入江灂陽西全氏

曰按此三字不可曉郭注亦無說

又東南過夔道縣北若水淹水合從西來注之又東渚水

北流注之

縣本夔人居之地理風俗記曰夷中最仁有人道故字

從人秦紀謂夔僮之富者也其邑高后六年城之漢武

帝感相如之言使縣令南通夔道費功無成唐蒙南入

斬之乃鑿石開閣以通南中迄於建甯二千餘里山道

廣丈餘深三四丈其鑿鑿之迹猶存王莽更曰夔治也

山多猶猢猻似猴而短足好遊巖樹一騰百步或三百丈
 順往倒返乘空若飛縣有蜀王兵蘭其神作大難江中
 崖峻阻險不可穿鑿李冰乃積薪燒之故其處懸巖猶
 有赤白元黃五色照水焉魚從棘來至此而止言畏崖
 嶼不更上也一清按寰宇記戎州棘道縣有伏犀灘引水經注云昔有黃牛從棘溪出而上此崖乃化為石是名伏犀灘今本無之益部耆舊傳曰張貞妻黃氏女也名帛貞乘船覆沒求尸不得帛至沒處灘頭仰天而嘆遂自沈淵積十四日帛持貞手於灘下出時人為說曰符有先絡棘道有張帛者也江水又與符黑水合水出甯州南廣郡南廣縣縣故犍為之屬縣也漢武帝太初元

年置劉禪延熙中分以為郡

一清按宋書州郡志朱提太守劉氏分犍為立南廣

太守晉武帝分朱提立又云南廣令晉太康地志屬朱提晉書地理志無南廣郡王遜傳云分朱提為南廣郡武帝疑是成帝之誤方輿紀要云蜀志後主延熙中立南廣郡以常竺為太守晉廢此事不見陳壽書蓋蜀中志乘耳然以是注觀之似是蜀置西晉廢而東晉復立也導源汾關山北流有大涉

水注之水出南廣縣北流注符黑水又北逕棘道入江

謂之南廣口

一清按漢志犍為郡南廣縣汾關山符黑水所出北至棘道入江又有大涉水北至

符入江過郡三行入百四十里渚水則未聞也

又東過江陽縣南洛水從三危山東過廣魏洛縣南東南注之

洛水出洛縣漳山亦言出梓潼縣柏山山海經曰三危

在敦煌南與岷山相接山南帶黑水又山海經不言洛水所導經曰出三危山所未詳常璩云李冰道洛通山水流發瀑口逕什邡縣漢高帝六年封雍齒為侯國王莽更名曰美信也洛水又南逕洛縣故城南廣漢郡治也漢高帝之為漢王也發巴渝之士北定三秦六年乃分巴蜀置廣漢郡於乘鄉一清按下文注云縣有沈鄉續志云廣漢有沈水即涪水注所謂沈水出廣漢縣下入涪水者也亦作繩鄉華陽國志云廣漢郡本治繩鄉永初二年移治涪後治雒城也蓋乘沈繩字同音假借用耳王莽之就都縣曰吾雒也漢安帝永初二年移治涪城後治洛縣先是洛縣城南每陰雨常有哭聲聞於府中積數十年沛國陳寵為守以亂世多死

亡暴骸不葬故也乃悉收葬之哭聲遂絕劉備自將攻洛龐士元中流矢死於此益州舊以蜀郡廣漢犍為為三蜀土地沃美人士雋又一州稱望縣有沈鄉去江七里姜士遊之所居詩至孝母好飲江水嗜魚膾常以雞鳴漣流汲江子坐取水溺死婦恐姑知稱詩遊學冬夏衣服實投諸江流一清按後漢書稱廣漢姜詩妻龐氏其子後因遠汲溺死妻恐姑知哀傷不敢言而託以行學不在又云永平三年察孝廉拜郎中尋除江陽令卒於官注云子坐取水溺死則死者詩之子何以又云婦恐姑知稱於是至孝上通洞泉潛出詩遊學乎文義實為乖爽矣於是至孝上通洞泉潛出其舍側而有江之甘焉詩有田濱江澤鹵泉流所漑盡為沃野又湧泉之中旦旦常出鯉魚一雙以膳焉可謂

孝弟發於方寸徽美著於無窮者也洛水又南逕新都

縣蜀有三都謂成都廣都此其一焉與綿水合水西出

綿竹縣又與湔水合一清按漢志廣漢郡雒縣章山雒水所出南至新都谷入湔亦

謂之郫江也又言是涪水吕忱曰一日湔然此二水俱

與洛會矣又逕犍為牛鞞縣為牛鞞水昔羅尚乘牛鞞

水東征李雄謂此水也縣以漢武帝元封二年置一清按方

輿紀要云郫江在成都府城南十里大江之支流也亦

曰汶江自灌縣分流經郫縣歷府西折而南又東合於

流江亦謂之內江任豫益州記郫江為內江流江為外

江是也晉永甯元年李特據廣漢進攻益州刺史羅尚

於成都尚屢敗乃阻長圍緣郫水作營連延七百里載

記尚緣水為險也既而特潛渡江擊尚水上軍皆敗走

大江緣水為險也既而特潛渡江擊尚水上軍皆敗走

蜀郡太守徐儉遂以少城降特入據之或據水經注以

綿水為尚所阻之郫江誤矣又東逕資中縣又逕漢安縣謂之綿水

也自上諸縣咸以溉灌故語曰綿洛為沒沃也綿水至

江陽縣方山下入江一清按漢志漢中郡綿竹縣紫巖山綿水所出東至新都北入雒

謂之綿水口亦曰中水江陽縣枕帶雙流據江洛會也

沈氏曰漢志綿水入洛洛水入湔湔水入江蓋以前為

主也故曰湔水東南至江陽入江水經注以洛為主洛

水合綿水綿水合湔江故以江陽為江洛之漢景帝六

年封趙相蘇嘉為侯國地理志東海無江陽也又徐廣

曰蘇一作藉索隱江中有大關小關焉季秋之月則黃

鱗魚死漚也朱氏謀璋箋曰黃鱗以下字有訛誤按華陽國志云江中有大關小關季春黃龍堆

沒關即平昔世祖微時過江陽縣有一子望氣者言江陽有

貴兒象王莽求之而撩煞之後世祖怨為子立祠於縣
 謫其民罰布數世揚雄琴清英曰尹吉甫子伯奇至孝
 後母譖之自投江中衣苔帶藻忽夢見水仙賜其美藥
 思惟養親揚聲悲歌船人聞之而學之吉甫聞船人之
 聲疑似伯奇援琴作子安之操江水逕漢安縣北縣雖
 迫山川土地特美蠶桑魚鹽家有焉江陽郡治也故犍
 為岐江都尉建安十八年劉璋立江水東逕樊石灘又
 逕大附灘頻歷二險也

又東過符縣北邪

全氏曰按邪字下有脫文孫汝澄曰漢志有邪龍縣竊謂江水不得入益州界而復過符關是不知地理之言也且注但詳符縣之建置以是知經之不及他縣也

東南解部水從

符關東北注之

縣故巴夷之地也漢武帝建元六年以唐蒙為中郎將

從萬人出巴符關者也漢武帝元鼎二年立

全氏曰按本華陽國志據漢史亦當是建元六年元鼎二年且立犍為郡今注無郡名而云立何哉王莽之符信矣

縣治安樂水會水源南通甯州平夷郡營縣北逕安樂

縣界之東又逕符縣下北入江縣長趙祉遣吏先尼和

以永建元年十一月詣巴郡沒死成濡

清按范史瀕常志作湍子賢求喪不得女絡年二十五歲有二子五歲以還至

二年二月十五日尚不得喪絡乃乘小船至父沒處哀

哭自沈見夢告賢曰至二十一日與父俱出至日父子

果浮出江上郡縣上言為之立碑以旌誠孝也其鯨部之水所未聞矣或是水之殊目非所究也

又東北至巴郡江州縣東强水涪水漢水白水宕渠水五水合南流注之

强水即羌水也宕渠水即潛水渝水矣巴水出晉昌郡

宣漢縣巴嶺山郡隸梁州晉太康中立治漢中一清按宋志云

魏元帝景元四年平蜀復立梁州治漢中南鄭晉志云泰始三年分益州立梁州於漢中又云桓溫平蜀之後郡此文似有錯繆縣南去郡八百餘里故屬巴渠西

南流歷巴中逕巴郡故城南李嚴所築大城北西南入

江庾仲雍所謂江州縣對二水口右則涪内水左則蜀

外水即是水也江州縣故巴子之都也春秋桓公九年

巴子使韓服告楚請與鄧好是也及七國稱王巴亦王

焉秦惠王遣張儀等救苴侯於巴儀貪巴苴之富因執

其王以歸而置巴郡焉治江州一清按此言秦立巴郡故治江州而漢之巴郡

亦即治焉故漢獻帝初平元年分巴為三郡於江州則

永甯郡治也至建安六年劉璋納蹇允之訟復為巴郡

全氏曰按善長言三巴建置皆本常璩而不知其誤也

華陽國志曰初平元年征東中郎將趙建議白劉璋

分巴隨欲得巴舊名取墊江以上為巴郡治安漢以江

州至臨江為永甯郡以胸忍至魚復為固陵郡而用麗

義為巴郡建安六年璋以蹇允訟爭巴名乃改永甯為

巴郡以固陵為巴東而改麗義為巴西是為三巴考初

平元年劉璋尚未嗣位趙建亦未為征東其誤一也趙

欲得巴舊名而乃以予麗義其誤二也建安五年義已

水經注釋

卷三十三

七

水經注卷之二十一 江水一
屯閬中則是固陵太守非巴也其誤三也不知趙韙但
分巴為二至蹇允訟後始分為三譙周巴記曰初平六
年趙韙分巴為二蹇欲得巴舊名故郡以蹇允訟分巴為三
割安漢以下為永甯郡建安六年以蹇允訟分巴為三
以永甯為巴東閬中為巴西墊江為巴郡是乃三巴分
置之次第也但初平僅四年無六年是則譙氏之誤再
考劉璋嗣位以趙韙為征東乃與平元年趙韙誅故再
也誤以爲初平亦蹇氏之疎也建安六年趙韙誅故再
分巴諸家皆未細覈其歲時耳又曹氏亦嘗分三巴劉
璋之末巴郡入於張魯故璋雖有巴郡太守嚴顏屯江
州似僅保一城而已魯降曹氏巴郡亦隨之而入建安
二十二年分其地為三以夷帥朴胡為巴東杜護為巴西
任約為巴郡旋為先以嚴顏為守顏見先主入蜀嘆曰
主所并故史志不詳
獨坐窮山放虎自衛此卽拊心處巴郡漢世治江州巴
水北北府城是也後乃徙南城劉備初以江夏費觀為
太守領江州都督後都護李嚴更城周一十六里造蒼

龍白虎門求以五郡為巴州治丞相諸葛亮不許竟不
果全氏曰按嚴欲於城後穿山引汶江入巴地勢側嶮
皆重屋累居數有火害又不相容結舫水居者五百餘
家承三江之會夏水增盛壞散顛沒死者無數縣有官
橋官荔枝園夏至則熟二千石常設廚膳命士大夫共
會樹下食之縣北有稻田出御米也縣下又有清水穴
巴人以此水為粉則皜曜鮮芳貢粉京師因名粉水故
世謂之為江州墮林粉粉水亦謂之為粒水矣江之北
岸有塗山南有夏禹廟塗君祠廟銘存焉常璩庾仲雍
竝言禹娶於此余按羣書咸言禹娶在壽春當塗不於

此也

又東至枳縣西延江水從牂柯郡北流西屈注之

江水東逕陽關巴子梁江之兩岸猶有梁處巴之三關
斯爲一也延熙中蜀車騎將軍鄧芝爲江州都督治此
江水又東右逕黃葛峽山高嶮全無人居江水又左逕
明月峽東至梨鄉歷雞鳴峽江之南岸有枳縣治華陽
記曰枳縣在巴郡江州東四百里治涪陵水會庾仲雍
所謂有別江出武陵者也水乃延江之枝津分水北注
逕涪陵入江故亦云涪陵水也其水南導武陵郡昔司
馬錯沂舟此水取楚黔中地延熙中鄧芝伐徐巨射元

後於是縣後自拔矢卷木葉塞射創芝嘆曰傷物之生
吾其死矣江水又東逕涪陵故郡北後乃并巴郡遂罷

省江水又東逕文陽灘險難上江水又東逕漢平

按晉書地理志梁州涪陵郡漢平縣云是蜀置二百餘
是注與下二百餘里不相連屬蓋有脫失矣

里左自涪陵東出百餘里而屆於黃石東爲銅柱灘又

逕東望峽東歷平都峽對豐民洲舊巴子別都也華陽

記曰巴子雖都江洲又治平都卽此處也有平都縣爲

巴郡之隸邑矣縣有天師治兼建佛寺甚清靈縣有市

肆四日一會江水又逕虎鬚灘灘水廣大夏斷行旅江
水又東逕臨江縣南王莽之監江縣也華陽記曰縣在

枳東四百里東接胸忍縣有鹽官自縣北入鹽井谿有
鹽井營戶沿注谿水江水又東得黃華水口江浦也左
逕石城南庾仲雍曰臨江至石城黃華口一百里又東
至平洲洲上多居民又東逕壤塗而歷和灘一清按方輿紀要云自忠州水程東行九十里至曹谿驛又六十里至襄塗驛名勝志云襄塗驛在萬縣南六十里江中有石似胡人名曰胡灘杜少陵詩不是怕胡灘者是矣襄壤形似和胡音聯故也又東逕界壇是地
巴東之西界益州之東境故得是名也

又東過魚復縣南夷水出焉

江水又東右得將龜谿口趙氏彥衛雲麓漫抄曰江水東注凡水經言左者皆北岸右者皆南岸華陽記曰胸忍縣出靈龜咸熙元年獻龜於相

府言出自此谿也

全氏曰按漢志胸忍縣容毋水所出即此谿也

江水又東會

南北集渠二谿水出涪陵縣界謂之于陽谿

一清按蜀志後主傳

建興八年魏延破魏雍州刺史郭淮于陽谿又魏延傳云使延西入羌中魏後將軍費瑤雍州刺史郭淮與延戰于陽谿延大破淮等據傳文于字為義不屬陽谿豈道元誤截耶

浦僑縣西谿夾側鹽井二口相去各數十步以木為桶
徑五尺修煮不絕谿水北流注於江謂之南集渠口亦
曰于陽谿口北水出新浦縣北高梁山分谿南流逕其
縣西又南一百里入胸忍縣南入於江謂之北集渠口
別名班口又曰分水口胸忍尉治此江水又東右逕沱
谿口蓋江沱決入也江水又東逕石龍水至於博陽二

村之間有磐石廣四百丈長六里而復全氏曰先宗伯

復者猶言長殆於岨塞江川夏沒冬出基互通渚又東

六里有奇也逕羊腸虎臂灘楊亮為益州至此舟覆懲其波瀾蜀人

至今猶名之為使君灘江水又東彭水注之水出巴渠

羣獠中東南流逕漢豐縣東清水注之水導源出西北

巴渠縣東北巴嶺南獠中即巴渠水也西南流至其縣

又西入峽檀井谿水出焉又西過山至漢豐縣東而西

注彭谿謂之清水口彭谿水又逕胸忍縣西六十里南

流注於江謂之彭谿口一清按漢志巴郡閬中縣彭道

即彭水與巴漢志云閬中有彭池大澤又寰宇記閬州

閬中縣下引四夷述云州東南池東西二里南北約五

里州城西南十里有郭池周約五十畝二池與漢志相

符彭道將池方輿紀要亦謂之南池在保甯府城南云

自漢以來堰大斗小斗之水溉田江水又東右逕胸忍

縣故城南常璩曰縣在巴東郡西二百九十里縣治故

城跨其山阪南臨大江江之南岸有方山山形方峭枕

側江濱江水又東逕瞿巫灘即下瞿灘也又謂之博望

灘左則湯溪水注之水源出縣北六百餘里上庸界南

流歷其縣翼帶鹽井一百所巴川資以自給粒大者方

寸中央隆起形如張傘故因名之曰傘子鹽有不成者

形亦必方異於常鹽矣王隱晉書地道記曰入湯口四

十三里有石煮以為鹽石大者如升小者如拳煮之水

竭鹽成蓋蜀火井之倫水火相得乃佳矣湯溪下與檀
溪水合上承巴渠水巴渠南歷檀井谿之檀井水下入
湯水湯水又南入於江名曰湯口江水又逕東陽灘江
上有破石故亦通謂之破石灘荀延光沒處也常璩曰
水道有東陽下瞿數灘山有大小石城勢靈壽木及橘
圃也故地理志曰縣有橘官有民市全氏曰此三字乃善長所自云非引
班志也是篇上江水又逕魚復縣之故陵舊郡治故陵
下多記市集谿西二里故陵村谿即永谷也地多木瓜樹有子大如
甌白黃實甚芬香爾雅之所謂楸也江水又東為落牛
灘逕故陵北江側有六大墳庾仲雍曰楚都丹陽所葬

亦猶枳之巴陵矣故以故陵為名也有魚復尉戍此江
之左岸有巴鄉村村人善釀故俗稱巴鄉清郡出名酒
村側有溪溪中多靈壽木中有魚其頭似羊豐肉少骨
美於餘魚谿水伏流逕平頭山內通南浦故縣陂湖其
地平曠有湖澤中有菱芡鯽雁不異外江凡此等物皆
入峽所無地密惡蠻不可輕至江水又東右逕夜清而
東歷朝陽道口有縣治治下有市十日一會江水又東
左逕新市里南常璩曰巴舊立市於江上今新市里是
也江水又東右合陽元水口水出高陽縣西南高陽山
東東北流逕其縣南東北流丙水注之水發縣東南柏

枝山山下有丙穴穴方數丈中有嘉魚常以春末遊渚
 冬初入穴抑亦褒漢丙穴之類也其水北流入高陽溪
 溪水又東北流注於江謂之陽元水口江水又東逕南
 鄉峽東逕永安宮南劉備終於此諸葛亮受遺處也其
 閒平地可二十許里江山迴闊入峽所無城周十餘里
 背山面江頽墉四毀荆棘成林左右民居多墾其中江
 水又東逕諸葛亮圖壘南石磧平曠望兼川陸有亮所
 造八陣圖東跨故壘皆纍細石爲之自壘西去聚石八
 行行閒相去二丈因曰八陣旣成自今行師庶不覆敗
 皆圖兵勢行藏之權自後深識者所不能了今夏水漂

蕩歲月消損高處可二三尺下處磨滅殆盡江水又東
 逕赤岬城西是公孫述所造因山據勢周回七里一百
 四十步東高二百丈西北高一千丈南連基白帝山甚
 高大不生樹木其石悉赤土人云如人袒胛故謂之赤
 岬山淮南子曰徬徨於山岬之旁注曰岬山脅也郭仲
 產曰斯名將因此而興矣江水又東逕魚復縣故城南
 故魚國也春秋左傳文公十六年庸與羣蠻叛楚莊王
 伐之七遇皆北唯裨儵魚人逐之是也地理志江關都
 尉治公孫述名之爲白帝取其王巴蜀

一清按是句文義有脫誤元和志云白帝山州城所據初公孫述據蜀殿前并有白龍
 出自稱白帝因更魚復城爲白帝城龍山殿中事見後

漢書述本傳蓋取此瑞以王巴蜀也章武二年劉備為吳所破改白帝為

永安巴東郡治也漢獻帝初平元年分巴為三郡全氏

平當作興平三郡當作二郡以魚復為故陵郡蹇允訴劉璋改為巴

東郡治白帝山城周迴二百八十步北緣馬嶺接赤岬

山其間平處南北相去八十五丈東西七十丈又東傍

東瀼谿全氏曰按入蜀記曰土人謂山間之流通江者曰瀼東瀼溪即東屯也公孫述所墾田又有西

瀼水見寰宇記與大瀼水而三即以為隍西南臨大江闕之眩目唯馬

嶺小差透迤猶斬山為路羊腸數四然後得上益州刺

史鮑陋鎮此為譙道福所圍城裏無泉乃南開水門鑿

石為函道上施木天公直下至江中有似猿臂相牽引

汲然後得水水門之西江中有孤石為淫預石冬出水

二十餘丈夏則沒亦有裁出處矣縣有夷谿即很山清

江也經所謂夷水出焉江水又東逕廣谿峽斯乃三峽

之首也其間三十里頽巖倚木厥勢殆交北岸山上有

神淵淵北有白鹽崖高可千餘丈俯臨神淵土人見其

高白故因名之天旱燃木崖上推其灰燼下穢淵中尋

即降雨常璩曰縣有山澤水神旱時鳴鼓請雨則必應

嘉澤蜀都賦所謂應鳴鼓而興雨也峽中有瞿塘黃龍

二漢夏水刺史二千石逕過皆不得鳴角伐鼓商旅上水恐觸石

有聲乃以布裹篙足今則不能爾猶饗薦不輟此峽多
援援不生北岸非惟一處或有取之放著北山中初不
聞聲將同貉獸渡汶而不生矣其峽蓋自昔禹鑿以通
江郭景純所謂巴東之峽夏后疏鑿者也

又東出江關入南郡界

江水自關東逕弱關扞關扞關廩君浮夷水所置也弱
關在建平秭歸界昔巴楚數相攻伐藉險置關以相防
扞秦兼天下置立南郡自巫東上皆其域也

水經注釋卷三十三終

海甯錢保塘
華陽吳祖椿覆校

十

